

ЎЗБЕКИСТОН РЕСПУБЛИКАСИ АДЛИЯ ВАЗИРЛИГИ

**ХОТИН-ҚИЗЛАРГА
БИР МАРТАЛИК МОДДИЙ ЁРДАМ
БЕРИШ БЎЙИЧА
УСЛУБИЙ ҚЎЛЛАНМА**

**«Адолат» миллий ҳуқуқий ахборот маркази
Тошкент – 2024**

Хотин-қизларга бир марталик моддий ёрдам бериш бўйича услубий қўлланма. Расмий нашр. Ўзбекистон Республикаси Адлия вазирлиги, «Адолат» миллий ҳуқуқий ахборот маркази, – Т.: 2024 й. – 24 б.

Тузувчи: И. Исломов

Мазкур услубий қўлланма хотин-қизлар томонидан сектор раҳбари хулосаси асосида, бир марталик моддий ёрдам олиш тартиби кундалик ҳаётда фойдаланиш ва “Маҳалла еттилиги” аъзолари учун ҳуқуқни қўллаш амалиётини тўғри ва бир хилда ташкил этиш ҳамда амалга ошириш мақсадида ишлаб чиқилган.

Ушбу услубий қўлланма тавсиявий хусусиятга эга.

МУНДАРИЖА

КИРИШ	4
ХОТИН-ҚИЗЛАРГА БИР МАРТАЛИК МОДДИЙ ЁРДАМ БЕРИШ СОХАСИНИ ТАРТИБГА СОЛУВЧИ ҚОНУНЧИЛИК ҲУЖЖАТЛАРИ:	5
«АЁЛЛАР ДАФТАРИ» ТУШУНЧАСИ	7
«АЁЛЛАР ДАФТАРИ»ГА КИРИТИЛАДИГАН ШАХСЛАР РЎЙХАТИ.....	9
«АЁЛЛАР ДАФТАРИ»ГА КИРИТИЛАДИГАН ШАХСЛАР РЎЙХАТИ.....	10
«АЁЛЛАР ДАФТАРИ» РЎЙХАТИГА КИРИТИЛГАН ХОТИН- ҚИЗЛАРНИНГ МУАММОЛАРИНИ ТИЗИМЛИ РАВИШДА ҲАЛ ЭТИШ ВА УЛАРНИ ИЖТИМОЙ ҚЎЛЛАБ-ҚУВВАТЛАШ	14
«АЁЛЛАР ДАФТАРИ»ГА КИРИТИЛГАН ХОТИН-ҚИЗЛАРГА МОДДИЙ ЁРДАМ КЎРСАТИШ.....	17
«АЁЛЛАР ДАФТАРИ» НИ ЮРИТИШ ОРҚАЛИ ХОТИН-ҚИЗЛАР МУАММОЛАРИНИ ТИЗИМЛИ РАВИШДА ҲАЛ ЭТИШ ВА УЛАРНИ ИЖТИМОЙ ҚЎЛЛАБ-ҚУВВАТЛАШ УЧУН БЕРИЛАДИГАН КРЕДИТ, СУБСИДИЯ, ГРАНТ ВА МОДДИЙ ЁРДАМ ТУРЛАРИНИНГ РЎЙХАТИ.....	20

КИРИШ

Сўнгги маълумотларга кўра, Ўзбекистонда доимий аҳоли сони қарийб 37 млн. кишини ташкил этади, шундан 49 % аёллардир. Мамлакатимизда аёлларнинг жамиятдаги роли, гендер тенглик ва оила масалаларига алоҳида эътибор қаратилаётгани диққатга сазовордир.

2023 йил давомида “Аёллар дафтари” га киритилган аёлларнинг 108 490 нафарининг муаммолари ҳал этилди, қолганлари билан бугунги кунга қадар манзилли ишланмоқда.

Жорий йилда БМТнинг Нью-Йоркдаги бош қароргоҳида бўлиб ўтган БМТ Аёллар ҳолати бўйича комиссиясининг 68-сессиясида Ўзбекистон делегацияси ҳам иштирок этди. Ушбу Сессияда камбағалликни бартараф этиш ва гендер тенгликни таъминлаш масалалари муҳокама қилинди.

БМТнинг маълумотларига кўра, ҳозирги кунда дунё бўйлаб аёлларнинг 10,3 фоизи ўта қашшоқликда яшамоқда. 2030 йилга бориб, Барқарор ривожланиш мақсадларига эришиш учун камбағалликка барҳам бериш жараёни 26 баробар тезлаштирилиши лозим. Шу боис, сессияда бутун дунё ҳукуматлари, фуқаролик жамияти ташкилотлари ва экспертлар аёлларнинг қашшоқлигини тугатиш ва гендер тенгликни оширишга қаратилган ҳаракатларни ишлаб чиқиш ва сармояларни жалб қилиш масалаларига эътибор қаратдилар.

“Маҳалла еттилиги” ҳамда кенг аҳоли қатлами учун ишлаб чиқилган ушбу қўлланмада аёллар ва қизларнинг ижтимоий ҳимоясини кучайтириш мақсадида хотин-қизларга бир марталик моддий ёрдам бериш бўйича амалий тавсиялар берилган.

Қўлланма Сиз учун фойдали ва манфаатли бўлади деб умид қиламиз.

ХОТИН-ҚИЗЛАРГА БИР МАРТАЛИК МОДДИЙ ЁРДАМ БЕРИШ СОХАСИНИ ТАРТИБГА СОЛУВЧИ ҚОНУНЧИЛИК ҲУЖЖАТЛАРИ:

1. Ўзбекистон Республикасининг «Фуқароларнинг ўзини ўзи бошқариш органлари тўғрисида»ги Қонуни

QR кодни сканерланг



2. Ўзбекистон Республикаси Президентининг 2023 йил 21 декабрдаги «Маҳалла институтининг жамиятдаги ролини тубдан ошириш ва унинг аҳоли муаммоларини ҳал этишда биринчи бўғин сифатида ишлашини таъминлашга қаратилган чора-тадбирлар тўғрисида»ги ПФ-209-сон Фармони;

QR кодни сканерланг



3. Ўзбекистон Республикаси Президентининг 2021 йил 5 мартдаги «Хотин-қизларни қўллаб-қувватлаш, уларнинг жамият ҳаётидаги фаол иштирокини таъминлаш тизимини янада такомиллаштириш чора-тадбирлари тўғрисида»ги ПҚ-5020-сон қарори;

QR кодни сканерланг



4. Ўзбекистон Республикаси Президентининг 2019 йил 7 мартдаги «Хотин-қизларнинг меҳнат ҳуқуқлари кафолатларини янада кучайтириш ва тадбиркорлик фаолиятини қўллаб-қувватлашга оид чора-тадбирлар тўғрисида»ги ПҚ-4235-сон қарори;

QR кодни сканерланг



5. Ўзбекистон Республикаси Президентининг 2023 йил 21 декабрдаги «Ўзбекистон маҳаллалари уюшмаси фаолиятини йўлга қўйиш ва маҳаллаларда бошқарув тизимини такомиллаштиришга оид қўшимча чора-тадбирлар тўғрисида»ги ПҚ–402-сон қарори;

QR кодни сканерланг



6. Вазирлар Маҳкамасининг 2022 йил 31 мартдаги «Хотин-қизлар муаммоларини ўрганиш ва ҳал этиш тизимини янада такомиллаштириш чора-тадбирлари тўғрисида» 145-сон қарори;

QR кодни сканерланг



7. Вазирлар Маҳкамасининг 2021 йил 18 июндаги «Фуқароларнинг ўзини ўзи бошқариш органлари фаолиятини янада такомиллаштириш бўйича қўшимча чора-тадбирлар тўғрисида»ги 380-сон қарори;

QR кодни сканерланг



I. «АЁЛЛАР ДАФТАРИ» ТУШУНЧАСИ

«Аёллар дафтари» — ижтимоий, иқтисодий, ҳуқуқий, психологик қўллаб-қувватлашга, билим ва касб ўрганишга эҳтиёжи ва иштиёқи бўлган ишсиз хотин-қизларнинг муаммоларини аниқлаш, бартараф этиш ва назоратини олиб бориш бўйича маълумотлар базаси;

Буни билиш муҳим!

«Аёллар дафтари» — ижтимоий, иқтисодий, ҳуқуқий, психологик қўллаб-қувватлашга, билим ва касб ўрганишга эҳтиёжи ва иштиёқи бўлган ишсиз хотин-қизларнинг муаммоларини аниқлаш, бартараф этиш ва назоратини олиб бориш бўйича маълумотлар базаси;

«Аёллар маслаҳат кенгаши» — ижтимоий ҳимояга муҳтож хотин-қизларнинг муаммоларини ўрганиш ва ҳал этишга кўмаклашиш, оилаларни мустаҳкамлаш ва уларнинг фарзанд тарбиясидаги ролини ҳамда ижтимоий фаоллигини оширишга қаратилган маслаҳатлар бериш, «одобли қиз», «иффатли келин» ва «маърифатли аёл» ғояларини кенг тарғиб этиш мақсадида ҳар бир фуқаролар йиғинида ташкил этиладиган ва жамоатчилик асосида фаолият юритадиган тузилма;

«Индивидуал дастур» — «Аёллар дафтари» рўйхатига киритилган ҳар бир хотин-қиз ҳамда уларга кўрсатиладиган амалий ёрдам турлари, даври (санаси), миқдори (суммаси, фоизи ва бошқалар) ва амалий ёрдамлар мониторинги тўғрисидаги маълумотлар мажмуи;

Секторлар — Қорақалпоғистон Республикаси, вилоятлар, туманлар, шаҳарлар ҳудудларининг тегишлича Қорақалпоғистон Республикаси Вазирлар Кенгаши Раиси,

вилоятлар ва Тошкент шаҳар, туманлар (шаҳарлар) ҳокимлари, прокуратура, ички ишлар ва давлат солиқ хизмати ҳудудий органлари раҳбарлари бошчилик қиладиган туманлар (шаҳарлар) ва ҳудудларни комплекс ижтимоий-иқтисодий ривожлантириш бўйича тегишли маҳаллий давлат ҳокимияти органининг кўмаклашувчи коллегиал ишчи тузилмаси;

секторлар ишчи гуруҳи — сектор раҳбари бошчилигида иқтисодиёт, инвестиция, қурилиш, қишлоқ хўжалиги соҳаси, давлат бошқаруви органлари туман (шаҳар)лар тузилмаларининг малакали мутахассислари ва тижорат банклари ходимларидан иборат Қорақалпоғистон Республикаси Вазирлар Кенгаши Раиси, вилоятлар ва Тошкент шаҳар ҳокимлари томонидан тасдиқланадиган махсус ишчи гуруҳлар.

«Аёллар дафтари»га киритилган хотин-қизлар **бир марталик моддий ёрдам олиш учун** маҳаллалардаги **хотин-қизлар фаолларига** мурожаат қилиши мумкин.

Бир марталик моддий ёрдам олиш учун :

мустақил равишда маҳалладаги хотин-қизлар фаолига мурожаат қилади

II. «АЁЛЛАР ДАФТАРИ»ГА КИРИТИЛАДИГАН ШАХСЛАР РЎЙХАТИ

**«Аёллар дафтари»га 30 ёшдан ошган қуйидаги
тоифадаги хотин-қизлар киритилади:**

ижтимоий ҳимояга муҳтож ишсиз хотин-қизлар — бандлиги Таъминланмаган, ишлаш истагида бўлган ва даромад манбаига эга бўлмаган эҳтиёжманд хотин-қизлар;

тадбиркорлик қилиш истагида бўлган эҳтиёжманд хотин-қизлар — бандлиги таъминланмаган, тадбиркорлик қилиш истагида бўлган эҳтиёжманд хотин-қизлар;

боқувчиси бўлмаган эҳтиёжманд хотин-қизлар — боқувчиси вафот этган, жазони ижро этиш муассасаларида сақланаётган, руҳий касалликка чалинган, I-II гуруҳ ногиронлиги бўлган ҳамда доимий даромад манбаига эга бўлмаган, бедарак йўқолган (суд қарорига асосан) эҳтиёжманд хотин-қизлар, шунингдек, никоҳи бекор қилинган эҳтиёжманд хотин-қизлар ва эҳтиёжманд ёлғиз оналар (ФХДЁ органларининг маълумотномаси асосида);

ижтимоий ёрдамга муҳтож I ва II гуруҳ ногиронлиги бўлган, шунингдек, тезкор тиббий муолажага муҳтож эҳтиёжманд хотин-қизлар — меҳнатга лаёқатсиз, ўзгалар парваришига, шунингдек, тезкор тиббий муолажага муҳтож эҳтиёжманд хотин-қизлар;

уй-жойга муҳтож эҳтиёжманд хотин-қизлар — нотурар жойларда истиқомат қилаётган, доимий яшаш учун турар жойи бўлмаган, бир хонадонда (кичик ҳовлида) уч ва ундан ортиқ оила яшаётган (уй-жой майдони белгиланган ижтимоий нормадан кам бўлган), бироқ ўзининг ёки биргаликда яшовчи оила аъзоларининг номида турар жой мавжуд бўлмаган, хусусий уй-жой фондида ижара ҳуқуқи асосида истиқомат қилаётган эҳтиёжманд хотин-қизлар;

қарамоғида ногиронлиги бўлган фарзанди мавжуд эҳтиёжманд хотин-қизлар — ногиронлиги бўлган вояга етмаган (I гуруҳ ногиронлиги бўлган фарзанди ёшидан қатъий назар) фарзандини бевосита парваришлаётган эҳтиёжманд хотин-қизлар.

Буни билиш муҳим!

Бунда «Аёллар дафтари» рўйхатида киритиладиган хотин-қизлар юқоридаги тоифалардан фақат бирига киритилиши мумкин.

III. «АЁЛЛАР ДАФТАРИ»ГА КИРИТИЛАДИГАН ШАХСЛАР РЎЙХАТИ



«Аёллар дафтари»га хотин-қизлар яшаб турган жойи бўйича киритилади, бунда хотин-қизларнинг **яшаш жойи бўйича доимий ёки вақтинча рўйхатда турмаслиги** «Аёллар дафтари»га киритишни **рад этиш учун асос ҳисобланмайди.**

Хотин-қизларнинг муаммолари, эҳтиёжлари ва қизиқишлари қуйидаги шаклларда ўрганилади:

секторлар ишчи гуруҳлари ва маҳаллалардаги хотин-қизлар фаоллари томонидан маҳаллаларда фуқаролар йиғинлари раислари ва фаоллари билан биргаликда барча йўналишдаги муаммоларни ҳар йили январь ойида уйма-уй юриш орқали;

хотин-қизларнинг муурожаатлари, шу жумладан, «Аёллар маслаҳат кенгаши» ва «Аёллар дафтари» ахборот тизими (кейинги ўринларда — ахборот тизими) орқали.



«Аёллар маслаҳат кенгаши»га ва ахборот тизими орқали мурожаат қилинган ҳолатда, анкета-сўровномалар маҳаллалардаги хотин-қизлар фаоллари томонидан тўлдирилиб, **сектор ишчи гуруҳига тақдим қилинади.**



Секторлар раҳбарлари ва туманлар (шаҳарлар) оила ва хотин-қизлар бўлимлари биргаликда муаммоларнинг ҳаққонийлигини ўрганади ва ҳар ойда ўрганилган ва «Аёллар дафтари»га киритилиши керак бўлган хотин-қизлар рўйхатини **халқ депутатлари туман (шаҳар) Кенгашига тақдим этади.**



Ўрганиш давомида хотин-қизларнинг муаммолари, эҳтиёжлари ва қизиқишлари Низомга 1а-иловага мувофиқ анкета-сўровномалар орқали аниқланади.



Анкета-сўровномалар тўлдирилгандан сўнг 3 кун муддатда Иқтисодий тараққиёт ва камбағалликни қисқартириш вазирлиги, Соғлиқни сақлаш вазирлиги, Бандлик ва меҳнат муносабатлари вазирлиги, Ички ишлар вазирлиги, Давлат солиқ қўмитаси, Давлат солиқ қўмитаси ҳузуридаги Кадастр агентлиги, Молия вазирлиги ҳузуридаги бюджетдан ташқари Пенсия жамғармаси ва бошқа ташкилотларнинг маълумотлари билан солиштирилади ҳамда хотин-қизларнинг ижтимоий ҳимояга муҳтожлик даражаси (тоифаси) аниқланиб, секторлар раҳбарлари ҳамда туман (шаҳар) оила ва хотин-қизлар бўлими бошлиғи томонидан Низомга 1б-иловага мувофиқ уларнинг **индивидуал дастурлари шакллантирилади.**




Индивидуал дастурлар асосида секторлар раҳбарлари, туман (шаҳар) оила ва хотин-қизлар бўлими бошлиғи томонидан 3 кундан ошмаган муддатда «Аёллар дафтари»га киритиладиган хотин-қизларнинг рўйхатлари 1в-иловага мувофиқ ҳамда уларнинг муаммоларини бартараф этишга қаратилган «Йўл харитаси» лойиҳаси, имзоланган ҳолда, халқ депутатлари туман (шаҳар) Кенгашига тасдиқлаш учун киритилади.



«Темир дафтар»га киритилган оилалардаги хотин-қизлар, фарзанди «Ёшлар дафтари»га киритилган хотин-қизлар, шунингдек, илгари «Аёллар дафтари»га киритилиб, бандлиги таъминланган ёки тадбиркорлиги йўлга қўйилган хотин-қизлар **такроран «Аёллар дафтари»га киритилмайди.**

Буни билиш муҳим!

«Аёллар дафтари»га киритиладиган хотин-қизлар рўйхатини шакллантиришда устуворлик илгари «Аёллар дафтари»га киритилмаган хотин-қизларга берилади.





Халқ депутатлари туман (шаҳар) Кенгаши қарори билан «Аёллар дафтари»га киритиладиган хотин-қизларнинг рўйхатлари ва «Йўл харитаси» белгиланган тартибда тасдиқланади ҳамда ижрога қаратилади.



Халқ депутатлари туман (шаҳар) Кенгашида тасдиқланган рўйхатлар секторлар штабларининг котиблари томонидан **3 кундан ошмаган муддатда** ахборот тизимига киритилади.



Секторлар раҳбарлари, туманлар (шаҳарлар) оила ва хотин-қизлар бўлимлари бошлиқлари «Аёллар дафтари»га маълумотларни киритиш ва чиқариш, уларнинг ҳаққонийлиги бўйича **шахсан жавобгар ҳисобланади.**

Мутасадди вазирлик ва идоралар томонидан «Аёллар дафтари»га киритилган хотин-қизларга ёрдам бериш бўйича амалга оширилаётган ишлар **ахборот тизимига киритилади** ва шундан сўнг **бажарилган** ҳисобланади. «Аёллар дафтари»га киритилган хотин-қизларга белгиланган тартибда ёрдам кўрсатиш бўйича амалга оширилаётган ишлар юзасидан барча ҳисоботлар ахборот тизимида шакллантирилади.



IV. «АЁЛЛАР ДАФТАРИ» РЎЙХАТИГА КИРИТИЛГАН ХОТИН-ҚИЗЛАРНИНГ МУАММОЛАРИНИ ТИЗИМЛИ РАВИШДА ҲАЛ ЭТИШ ВА УЛАРНИ ИЖТИМОЙ ҚЎЛЛАБ- ҚУВВАТЛАШ

«Аёллар дафтари»га киритилган хотин-қизларни қўллаб-қувватлаш қуйидаги йўналишларда амалга оширилади:

1) ижтимоий ҳимояга муҳтож ишсиз хотин-қизлар учун:

- ❖ бандлигини таъминлаш;
- ❖ зарур ҳолларда, сектор раҳбари хулосаси асосида бир марталик моддий ёрдам бериш.

2) тадбиркорлик қилиш истагида бўлган эҳтиёжманд хотин-

- ❖ тадбиркорликни йўлга қўйишга кўмаклашиш;

3) боқувчиси бўлмаган эҳтиёжманд хотин-қизлар учун:

- ❖ бир марталик моддий ёрдам бериш;
- ❖ зарур ҳолларда, сектор раҳбари хулосаси асосида оғир турмуш шароитидаги (уй-жойи таъмирлашга муҳтож, бироқ оиласининг моддий имконияти етмайдиган) хотин-қизларнинг уй-жойини таъмирлаш;

4) ижтимоий ёрдамга муҳтож I ва II гуруҳ ногиронлиги бўлган, шунингдек, тезкор тиббий муолажага муҳтож эҳтиёжманд хотин-қизлар учун:

- ❖ бир марталик моддий ёрдам бериш;

❖ зарур ҳолларда, сектор раҳбари хулосаси асосида оғир турмуш шароитидаги (уй-жойи таъмирлашга муҳтож, бироқ оиласининг моддий имконияти етмайдиган) хотин-қизларнинг уй-жойини таъмирлаш;

❖ тиббий муолажага муҳтож эҳтиёжманд хотин-қизлар учун зарур тиббий ёрдамлар кўрсатиш;

5) уй-жойга муҳтож эҳтиёжманд хотин-қизлар учун:

❖ ижара компенсациясини тўлаш, ижтимоий уйларга жойлаштириш, уй-жой билан таъминлаш;

❖ зарур ҳолларда, сектор раҳбари хулосаси асосида бир марталик моддий ёрдам бериш;

6) қарамоғида ногиронлиги бўлган фарзанди мавжуд эҳтиёжманд хотин-қизлар учун:

❖ бир марталик моддий ёрдам бериш;

❖ зарур ҳолларда, сектор раҳбари хулосаси асосида томорқадан ва деҳқончиликдан даромад манбаи сифатида фойдаланиш учун кўмаклашиш.

Буни билиш муҳим!

*«Аёллар дафтари» рўйхатида киритилган барча хотин-қизларга уларнинг мурожаатида асосан **ҳуқуқий, тиббий ва психологик** ёрдам кўрсатилади.*



2024 йил 1 мартдан бошлаб заҳирага қайтарилган ёки янги ўзлаштирилган, лалми, фойдаланилмаётган ер майдонлари деҳқон хўжалиги ташкил этган ҳолда сабзавотчилик,

полиз, дуккакли, мойли экинлар, картошка етиштириш каби лойиҳаларни амалга ошириш учун деҳқончилик билан шуғулланиш истагини билдирган **хотин-қизларга 0,10 гектар дан 1 гектаргача** бўлган ўлчамларда белгиланган тартибда электрон онлайн-аукцион савдолари орқали **10 йилга ижарага** берилади.

Бунда: электрон онлайн-аукцион савдолари ғолиби бўлган, «Аёллар дафтари»да рўйхатда турган эҳтиёжманд хотин-қизларга ер участкаси нарҳини **беш йил муддатга тенг улушларда фоизсиз бўлиб-бўлиб тўлаш** имконияти берилади.




IV. «АЁЛЛАР ДАФТАРИ»ГА КИРИТИЛГАН ХОТИН-ҚИЗЛАРГА МОДДИЙ ЁРДАМ КЎРСАТИШ



Ушбу бир марталик моддий ёрдамни тўлаш учун:

маҳаллалардаги хотин-қизлар фаоллари секторлар раҳбарлари билан биргаликда, «Аёллар дафтари»га киритилган хотин-қизларга мазкур Низомнинг 14-бандига мувофиқ бир марталик моддий ёрдам бериш миқдорлари (суммаси) кўрсатилган рўйхатни (ҳар бир хотин-қизнинг фамилияси, исми, отасининг исми, پاسпорти серияси ёки идентификацияловчи ID — картаси рақами кўрсатилган ҳолда) туман (шаҳар) оила ва хотин-қизлар бўлимига тақдим этади;



туман (шаҳар) оила ва хотин-қизлар бўлими:

«Аёллар дафтари» жамғармасининг даромадлари ва тушумлари прогнозидан келиб чиқиб, туман (шаҳар) молия бўлими билан келишилган ҳолда, бир марталик моддий ёрдамни ойма-ой тўлаш графигини шакллантиради ҳамда Васийлик кенгашига тасдиқлаш учун киритади. Бунда тасдиқланган ойма-ой тўлаш графигининг нусхаси маҳаллалардаги хотин-қизлар фаолларига ҳам тақдим этилади;

тасдиқланган графикка асосан ҳар ойнинг 5 — санасига қадар маҳаллалардаги хотин-қизлар фаоллари томонидан тақдим этилган рўйхатлар асосида тўлов ведомостларини шакллантириб, туманлар (шаҳарлар) ва хизмат кўрсатувчи тижорат банкининг тегишли бўлимига (филиалига) тақдим этади;

туманлар (шаҳарлар) ҳокимликларининг бухгалтерия бўлимлари тасдиқланган ойма-ой тўлаш графиги ҳамда тўлов ведомостлари асосида «Аёллар дафтари» жамғармаси маблағлари ҳисобидан зарур маблағларни хизмат кўрсатувчи тижорат банкининг тегишли бўлимига (филиалига) кўчиради;

хизмат кўрсатувчи тижорат банкининг тегишли бўлими (филиали) томонидан бир марталик моддий ёрдам тўловлари ҳар ойнинг 5 — 27-саналарида амалга оширилади. Ойнинг охирги иш кунида ведомостлар ёпилади. Ойнинг 27 санасига қадар тайинланган, бироқ ўз вақтида талаб қилиб олинмаган моддий ёрдамга йўналтирилган маблағлар «Аёллар дафтари»

жамғармасыга ўтказилади ва олувчининг биринчи талабига кўра тўланади. Ёпилган ведомостнинг бир нусхаси туман (шаҳар) ҳокимлиги ҳамда оила ва хотин-қизлар бўлимига тақдим этилади;



туман (шаҳар) оила ва хотин-қизлар бўлими муҳтож хотин-қизларга тўланган бир марталик моддий ёрдам тўғрисидаги маълумотларни ахборот тизимига киритади ҳамда ёпилган ведомостнинг нусхасини тегишли маҳаллалардаги хотин-қизлар фаолларига тақдим этади.



Бир марталик моддий ёрдам бир календарь йили давомида бир мартаба берилади.

Буни билиш муҳим!

Сектор раҳбарлари жисмоний ва юридик шахсларнинг ҳомийлик хайриялари ва қонунчилик ҳужжатларида тақиқланмаган бошқа манбалар ҳисобидан «Аёллар дафтари»га киритилган I ва II гуруҳ ногиронлиги бўлган хотин-қизлар, шунингдек, қарамоғида ногиронлиги бўлган фарзанди бор ёлғиз оналарга қўшимча моддий ёрдам бериш чораларини кўриб боради.

V. «АЁЛЛАР ДАФТАРИ» НИ ЮРИТИШ ОРҚАЛИ ХОТИН-ҚИЗЛАР МУАММОЛАРИНИ ТИЗИМЛИ РАВИШДА ҲАЛ ЭТИШ ВА УЛАРНИ ИЖТИМОЙ ҚЎЛЛАБ-ҚУВВАТЛАШ УЧУН БЕРИЛАДИГАН КРЕДИТ, СУБСИДИЯ, ГРАНТ ВА МОДДИЙ ЁРДАМ ТУРЛАРИНИНГ РЎЙХАТИ

I. Ижтимоий ҳимояга муҳтож ишсиз хотин-қизлар учун		
1.	Икки ҳафталик, лекин олти ойдан кўп бўлмаган муддатга, айрим ҳолларда эса Бандлик ва камбағалликни қисқартириш вазирлиги билан келишилган ҳолда, ўн бир ойгача банд бўлмаган аҳолини ҳақ тўланадиган жамоат ишларига жалб қилиш.	<i>меҳнат шартномасига асосан белгиланадиган миқдорда</i>
2.	Иш берувчиларга — аҳоли бандлигига кўмаклашиш марказлари йўлланмаси бўйича ишга қабул қилинган ходимларни касбга тайёрлаш, қайта тайёрлаш ва уларнинг малакасини оширишга сарфланадиган харажатларни қоплаш учун тўловни амалга ошириш	<i>ҳар бир ходим учун 6 ой давомида ҳар ойда базавий ҳисоблаш миқдорининг 4 баравари</i>
3.	Касб-ҳунарга эга бўлмаган ишсиз хотин-қизларни касб-ҳунарга ўқитиш, қайта тайёрлаш ва уларни малакаси ошириш курсларига жалб этиш	<i>Ҳисоб-китобга кўра</i>
4.	Тадбиркорлик субъектларига иш ўринлари ва шароитларини ногиронлиги бўлган шахсларга мослаштириш учун субсидия ажратиш	<i>Ҳар бир мослаштирилаётган иш жойи учун БҲМнинг 40 баравари-гача</i>
5.	Зарур ҳолларда сектор раҳбари хулосаси асосида, бир марталик моддий ёрдам бериш.	<i>базавий ҳисоблаш миқдорининг 2 баравари миқдорида</i>
II. Тадбиркорлик қилиш истагида бўлган еҳтиёжманд хотин-қизлар учун		
6.	Оилавий тадбиркорликни ташкил етиш учун тижорат банки кредитини ажратиш.	<i>33 миллион сўмгача</i>

7.	“Аёллар дафтари”га киритилган, бироқ кредит олишни рад қилган хотин-қизларнинг доимий бандлигини таъминлаш мақсадида тадбиркорлик субъектларининг “Аёллар дафтари”га киритилган хотин-қизларни иш билан таъминлашга қаратилган лойиҳаларини молиялаштириш учун банк кредитини ажратиш.	225 миллион сўмдан 1 миллиард сўмгача
8.	Тадбиркорлик фаолиятини йўлга қўйиш учун кредит ажратиш.	33 миллион сўмгача
9.	“Аёллар дафтари”га киритилган тадбиркорлик билан шуғулланиш истагини билдирган хотин-қизларни махсус ўқитиш дастури бўйича ўқитилишини таъминлаш.	Ҳисоб-китобга кўра
III. Боқувчиси бўлмаган еҳтиёжманд хотин-қизлар учун		
10.	Бир марталик моддий ёрдам бериш	базавий ҳисоблаш миқдорининг 4 баравари миқдорида
11.	Сектор раҳбари хулосаси асосида, оғир турмуш шароитидаги (уй-жойи таъмирлашга муҳтож, бироқ оиласининг моддий имконияти етмайдиган) хотин-қизларнинг уй-жойини таъмирлаш	базавий ҳисоблаш миқдорининг 30 бараваригача миқдорида
IV. Ижтимоий ёрдамга муҳтож II ва III гуруҳ ногиронлиги бўлган, шунингдек, тезкор тиббий муолажага муҳтож еҳтиёжманд хотин-қизлар учун:		
12.	Бир марталик моддий ёрдам бериш	базавий ҳисоблаш миқдорининг 4 баравари миқдорида
13.	Сектор раҳбари хулосаси асосида, оғир турмуш шароитидаги (уй-жойи таъмирлашга муҳтож, бироқ оиласининг моддий имконияти етмайдиган) хотин-қизларнинг уй-жойини таъмирлаш	базавий ҳисоблаш миқдорининг 30 бараваригача миқдорида
V. Уй-жойга муҳтож еҳтиёжманд хотин-қизлар учун		
14.	Турар жой ижараси учун компенсация тўлаш.	турар жой ижараси учун тўловларнинг 50 фоизи, лекин кўпи билан 500 минг сўмгача

15.	Ипотека кредити бўйича бошланғич бадални тўлаб бериш ва фоиз тўловларининг бир қисмини қоплаш учун субсидия ажратиш.	Вазирлар Маҳкамасининг 2021-йил 6- декабрдаги 737-сон қарори талаблари асосида бошланғич бадални тўлаш: уй- жойнинг ҳисобланган қийматининг 15 фоизи миқдорида
16.	Уй-жой билан таъминлаш	Ҳисоб-китобга кўра
17.	Сектор раҳбари хулосаси асосида, бир марталик моддий ёрдам бериш.	базавий ҳисоблаш миқдорининг 2 баравари миқдорида
VI. Қарамоғида ногиронлиги бўлган фарзанди мавжуд еҳтиёжманд хотин-қизлар учун		
18.	Бир марталик моддий ёрдам бериш.	базавий ҳисоблаш миқдорининг 4 баравари миқдорида
19.	Сектор раҳбари хулосаси асосида, томорқадан ва деҳқончиликдан даромад манбаи сифатида фойдаланиш учун кўмаклашиш, жумладан, қуйидаги мақсадлар учун кредит ажратиш: йенгил конструкцияли иссиқхоналар ўрнатиш; парранда, асалари, қуён, балиқ ва бедана боқишни йўлга қўйиш; деҳқончилик билан шуғулланиш, қишлоқ хўжалиги маҳсулотларини етиштириш, қайта ишлаш, сақлаш ва сотиш ишларини ташкил етиш; “Томорқа хизмати” ташкилотлари ва “Дала дўконлари”ни ташкил етиш.	жисмоний шахсларга 33 миллион сўмгача, фермер, деҳқон хўжаликлари ва бошқа тадбиркорлик субъектларига 225 миллион сўмгача фермер, деҳқон хўжаликлари ва бошқа тадбиркорлик субъектларига 225 миллион сўмдан юқори
VII. “Аёллар дафтари”га киритилган барча хотин-қизлар учун		
20.	Ҳоким ёрдамчилари тавсияси асосида янги ўзлаштирилган, лалми, фойдаланилмаётган ер майдонларидан ажратилган ер майдонларини суғориш тизими (артезиан қудуқлар,	базавий ҳисоблаш миқдорининг 40 бараваригача

	томчилатиб суғориш тизими ва бошқалар) ва электр энергияси билан таъминлаш, берилган ерларни ўзлаштириш учун (ер ҳайдаш, уруғлик қўчат харид қилиш ва бошқалар) субсидия ажратиш.	
21.	Ўзбекистон Республикасидаги олий таълим муассасаларида таҳсил олаётган (таълим шаклидан қатъий назар) “Аёллар дафтари”га киритилган еҳтиёжманд хотин-қизлар ёхуд уларнинг олий таълимда таҳсил олаётган икки ва ундан ортиқ фарзандларининг бир нафарига бир маротаба тўлов-контракти тўлаб бериш.	базавий ҳисоблаш миқдорининг 15 бараваригача
22.	Тадбиркорлик қилишни хоҳловчи аҳоли бандлигига кўмаклашиш марказида рўйхатдан ўтган, ишсиз хотин-қизларга — якка тартибдаги тадбиркор сифатида рўйхатдан ўтиш, кичик корхоналар ва микрофирмаларни давлат рўйхатидан ўтказиш учун сарфланадиган харажатларни тўлашда бир марталик субсидиялар бериш.	Белгиланган суммалар
23.	“Ўзбекипаксаноат” уюшмаси таркибидаги қўлда гилам ва ипак мато тўқиш билан шуғулланувчиларга 3 тадан кам бўлмаган иш ўрни яратиш шарти билан гилам ва ипак мато тўқиш дастгоҳини харид қилишга сарфланадиган харажатларни қоплаш учун субсидия ажратиш.	ҳар бир дастгоҳ учун базавий ҳисоблаш миқдорининг 10 баравари
24.	“Яйлов хўжалигини ривожлантириш” уюшмаси аъзоларига қўл меҳнати учун ускуналар харид қилиш бўйича харажатларни қоплаш учун камида битта иш ўрни яратиш шарти билан субсидия ажратиш.	базавий ҳисоблаш миқдорининг 10 баравари
25.	Тадбиркорлик фаолиятини бошлаётган ишсиз фуқароларга тадбиркорлик субъекти сифатида давлат рўйхатидан ўтгандан сўнг дастлабки уч ой мобайнида олинган бино ва иншоотнинг ижара тўлови учун субсидия ажратиш.	базавий ҳисоблаш миқдорининг 10 бараваригача ва уч ойга тенг тақсимланган ҳолда ҳар бир ой учун тўлаб берилади
26.	Ҳунармандларнинг “Ҳунарманд” уюшмасига аъзолик бадали харажатларини қоплаш учун субсидия ажратиш.	аъзолик бадали миқдорида

27.	Ўрмон фонди ерларини ижарага олган ижарачилар Аҳоли бандлигига кўмаклашиш марказида рўйхатдан ўтган ишсиз шахсларни ишга қабул қилган тақдирда, уларга иш ҳақи тўлаш харажатларини қоплаш учун субсидия ажратиш.	6 ой давомида ўртача иш ҳақининг 50 фоизи миқдоридан, бироқ ҳар бир ой учун базавий ҳисоблаш миқдорининг 2 баробаридан ошмаган миқдорда
28.	Йенгил конструкцияли иссиқхоналар ўрнатиш, шунингдек суғориш воситаларини харид қилиш ҳамда уруғликлар ва кўчатлар сотиб олиш учун субсидия ажратиш.	1.Йенгил конструкцияли иссиқхоналар ўрнатиш учун: базавий ҳисоблаш миқдорининг 30 бараваригача; 2.Суғориш воситаларини харид қилиш учун: базавий ҳисоблаш миқдорининг 10 бараваригача; 3. Уруғликлар ва кўчатлар сотиб олиш учун: базавий ҳисоблаш миқдорининг 3 бараваригача
29.	Қишлоқ хўжалиги кооперативлари устав фондига улуш сифатида киритиши учун субсидия ажратиш.	базавий ҳисоблаш миқдорининг 15 бараваригача
30.	Тадбиркорлик ва ўзини ўзи банд қилиш фаолиятини бошламоқчи бўлган ишсиз хотин-қизларга фаолиятини бошлаш учун керак бўлган асбоб-ускуна, меҳнат қуролларини харид қилиш учун субсидиялар ажратиш.	7 миллион сўмгача
31.	Тадбиркорлик ва ўзини ўзи банд қилиш фаолиятини бошламоқчи бўлган хотин-қизларга асбоб-ускуна, меҳнат қуроллари (тикувчилик, тўқимачилик, пазандачилик, соч турмаклаш, дурадгорлик, чилангарлик, қурилиш, қишлоқ хўжалиги (мотокултиватор, ўт ўриш ўроқ машинаси, пайвандлаш аппарати,	10 миллион сўмгача

	ўсимликларга ишлов бериш қурилмаси) ва ҳоказо соҳаларда ишлатиладиган меҳнат қуроллари ва аппаратлари)ни харид қилиш учун субсидия ажратиш.	
32.	Касб-хунар таълими муассасаларига — банд бўлмаган шахслар, айниқса, меҳнат миграциясидан қайтган фуқаролар, кам таъминланган оилаларда яшовчи хотин-қизларни касбга қайта ўқитишга сарфланадиган харажатларни молиялаштириш учун грант ажратиш.	ҳар бир ишсиз фуқаро учун базавий ҳисоблаш миқдорининг 4 бараваригача
33.	Касб-хунарга ўқитиш марказлари, коллежлар ва олий ўқув юртларида касб-хунарга тайёрлаш, агротехнология, боғдорчилик, сабзавотчилик, чорвачилик, паррандачилик, балиқчилик ҳамда асаричилик соҳасида фермер ва деҳқон хўжаликларининг раҳбарлари ва ишчилари ҳамда томорқа ер эгаларини қайта тайёрлаш ва малакасини оширишни молиялаштириш учун грант ажратиш.	ҳар бир ишсиз фуқаро учун базавий ҳисоблаш миқдорининг 4 бараваригача
34.	Тиббий ёрдам кўрсатиш зарурати бўлганда, белгиланган тартибда тегишли бирламчи тиббий санитария муассасаси томонидан статсионар ёки амбулатор даволаш.	Давлат бюджетидан ажратилган маблағлар доирасида
35.	Давлат бюджети маблағлари ҳисобига тиббий ёрдам кўрсатиладиган имтиёзли тоифага кирадиган “Аёллар дафтари”га киритилган хотин-қизлар, шунингдек уларнинг вояга етмаган (қарамоғида И гуруҳ ногиронлиги бўлган фарзандларининг ёшидан қатъий назар) фарзандларини ўрнатилган тартибда электрон навбатга қўйиш орқали вилоят ёки республика даражасида тиббий муассасаларда даволаш.	Давлат бюджетидан ажратилган маблағлар доирасида
36.	“Аёллар дафтари”га киритилган хотин-қизлар ва (ёки) уларнинг вояга етмаган (қарамоғида И гуруҳ ногиронлиги бўлган фарзандларининг ёшидан қатъий назар) фарзандларига даволаш, дори-дармон олиб бериш ёки мураккаб жарроҳлик амалиётлари учун маблағ зарур бўлган ҳолатларда туман (шаҳар) тиббиёт бирлашмаси ва сектор раҳбари хулосалари билан тиббий муолажа харажатларини тўлаб бериш.	дори-дармон олиб бериш учун базавий ҳисоблаш миқдорининг 20 бараваригача; мураккаб жарроҳлик амалиётлари учун базавий ҳисоблаш

		<i>миқдорининг 100 бараваригача</i>
37.	“Аёллар дафтари”га киритилган оғир ижтимоий вазиятга тушиб қолган, ногиронлиги бўлган эҳтиёжманд хотин-қизлар ва уларнинг фарзандларини реабилитатсия воситалари билан таъминлаш.	<i>Ҳисоб-китобга кўра</i>
38.	“Аёллар дафтари”га киритилган И ва ИИ гуруҳ ногиронлиги бўлган ёки сурункали ҳамда юқумли касалликларга чалинган эҳтиёжманд хотин-қизларнинг ва (ёки) уларнинг вояга етмаган (қарамоғида И гуруҳ ногиронлиги бўлган фарзандларининг ёшидан қатъий назар) фарзандларининг, лозим бўлганда И гуруҳ ногиронлиги бўлган шахсларга ҳамроҳлик қилувчининг даволаниш амалиёти учун Ўзбекистон Республикасининг бошқа ҳудудида жойлашган тиббий муассасаларга бориш-келиш йўл харажатларини қоплаб бериш.	1. <i>Йўл харажатларини тасдиқловчи (чипта ва ҳоказо) ҳужжатларда кўрсатилган сумма;</i> 2. <i>Йўл ҳужжатлари мавжуд бўлмаганда, ҳар бир километрга базавий ҳисоблаш миқдорининг 0,08 фоизи миқдорида;</i> 3. <i>Махсус транспорт воситаси учун сарфланган сумма</i>
39.	“Аёллар дафтари”га киритилган хотин-қизларнинг муаммоларидан келиб чиқиб, ҳуқуқий ёрдам кўрсатиш билан боғлиқ харажатлар, жумладан туғилганлик ҳақида гувоҳнома ва фуқаролик паспортини олиш, судга даъво аризаси киритгани учун ундириладиган давлат божи тўловлари ва бошқа харажатлар (адвокатларнинг хизмати учун тўловлар бундан мустасно) сектор раҳбари ҳулосасига асосан тўлаб бериш.	<i>Давлат божи сифатида белгиланган сумма</i>
40.	“Аёллар дафтари”га киритилган хотин-қизлар учун маданий-маърифий, спорт ва бошқа тадбирлар ташкил этиш.	<i>Шакллантирилган харажатлар сметасида миқдорида</i>
41.	“Аёллар дафтари”га киритилган хотин-қизларнинг саёҳатларини ташкил этиш.	<i>Ҳисоб-китобга кўра</i>

Расмийлаштириладиган ҳужжатлардан наъмуналар

СЎРОВНОМА

I. Сўровнома иштирокчисининг шахсий маълумотлари		
1. Ф.И.О. (тўлиқ ёзилиши лозим)		
2. Туғилган санаси: _____ кун _____ ой _____ йил Ёши: _____		
3. Доимий (прописка ёки вақтинчалик рўйхат) яшаш манзили: _____ туман (шаҳар) _____ кўчаси _____ уй _____ хонадон		4. Тел. рақами: (____) _____
ўз уйида ☐ ижарада ☐ нотураб жойда ☐ 4. Қариндошлари (билан) уйида ☐		
5. Паспорт (ID рақами) серияси: _____ Паспорт рақами: _____	6. Паспорт _____ _____ ИИБ томонидан _____/_____/_____ йилда берилган	7. СТИР (ИНН): _____ _____

II. Oilaviy va ijtimoiy holati

8. Айни пайтда oilаси “Темир дафтар”га киритилганми?	☐ ҳа	☐ йўқ
Илгари oilаси “Темир дафтар”га киритилганми?	☐ ҳа	☐ йўқ
11. Илгари “Аёллар дафтари”га киритилганми?		
☐ ҳа ☐ йўқ		
“Аёллар дафтари”га киритилган бўлса, кўрсатилган амалий ёрдам тури ва чиқарилган санаси: _____		

12. Oilaviy holati oilа қурмаган ☐ oilали ☐ ажрашган ☐ бева, боқувчиси йўқ аёл ☐ ёлғиз она ☐	13. Қарамоғидаги фарзандлари: йўқ ☐ бор ☐ _____ нафар, шундан вояга етмаганлар _____ нафар
14. Oilанинг моддий ва маиший аҳволи яхши ☐ қониқарли (ёрдамга мухтож эмас) ☐ қониқарсиз (ёрдамга мухтож) ☐	
15. Ногиронлиги борми: ☐ бор ☐ йўқ	Бор бўлса, 1-гурух ☐ 2-гурух ☐ 3-гурух ☐

III. Ишсизлик ҳолати ва меҳнат қилиш истаги

16. Бандлик ҳолати: уй бекаси ☐ расман ишлайди ☐ норасмий секторда банд ☐	
пенсия (нафақа) ☐	ишсиз ☐

Ҳақ тўланадиган жамоат иши ☐	Ўқишга тайёргарлик кўрмоқчи ☐
Ўз мутахассислиги бўйича ☐	Оиласи ўзига тўқлиги ☐
24. Тадбиркорлик билан шуғулланиш натижаси: ☐ бор ☐ йўқ Бор бўлса, тадбиркорлик соҳаси: _____ _____ Кредит олиш натижаси: бор ☐ йўқ ☐ Кредит суммаси: _____ млн сўм Гаров таъминоти: бор ☐ йўқ ☐ “Устоз-шогирд” асосида фаолият юритиш хоҳиши: бор ☐ йўқ ☐	25. Яшаш хонадонидида мавжуд: Экин ер майдони: _____ Йирик шохли мол сони: _____ Майда шохли мол сони: _____ Парранда сони: _____ ☐ Кўп қаватли уйларда истиқомат қилади
26. Касб-хунарга ўқиш натижаси: бор ☐ йўқ ☐ Бор бўлса, қайси соҳада: (код рақами киритилади): Пазандалик соҳасида: ☐ _____ Қишлоқ хўжалиги соҳасида ☐ _____ Тадбиркорлик (хунарсандчилик) ☐ _____ Бошқа ☐ _____	27. Чет элда ишлаш натижаси: бор ☐ йўқ ☐
28. Номида уй-жой, ер-мулк борми? бор ☐ йўқ ☐	29. Номида уй-жой, ер-мулк бўлмаса, уй-жойга эҳтиёжи: (эҳтиёжи бор бўлса, асословчи сабаблари аниқ келтирилади) бор ☐ йўқ ☐
30. Ўзининг ёки бирга турадиган оила аъзосининг номида автотранспорт борми? бор ☐ йўқ ☐	31. Қўшимча даромад манбалари: _____ _____
32. Уй-жойининг таъмирга муҳтожлиги: оиланинг бир аъзосига тўғри келадиган яшаш майдони (кв.м.) _____ Ўта таъмирталаб ☐ Ўртача ☐ Таъмирлашга зарурат йўқ ☐	33. Қўшимча муаммолари: ☐ тиббий ☐ ҳуқуқий ☐ психологик

34. Изох: (мазкур саволномада кўзда тутилмаган ҳолатлар, шахснинг мавжуд муаммоси аниқ кўрсатиб ўтилиши лозим, уй-жой, ишсизлик, соғлиги бўйича, моддий, ижтимоий маънавий ва бошқалар.)

35. Сўровнома ўтказилган фуқаро:
(Ф.И.О.) шахсий имзо

36. Сўровнома ўтказган шахс:
(Ф.И.О.) шахсий имзо

_____ tumanda (shaharda) "Ayollar daftari"ga kiritilishi taklif etilayotgan xotin-qizlar

RO'YXATI

T/r	T/r	F.I.O.	Tug'ilgan kun, oy, yil	Pasport seriyasi va (yoki ID) raqami	Sektor raqami	Mahalla nomi	Yashash manzili
I. Ijtimoiy himoyaga muhtoj ishsiz xotin-qizlar							
1.	1.						
2.	2.						
3.	3.						
II. Tadbirkorlik qilish istagida bo'lgan ehtiyojmand xotin-qizlar							
4.	1.						
5.	2.						
6.	3.						
III. Boquvchisi bo'lmagan ehtiyojmand xotin-qizlar							
7.	1.						
8.	2.						
9.	3.						
IV. Ijtimoiy yordamga muhtoj I va II guruh nogironligi bo'lgan, shuningdek, tezkor tibbiy muolajaga muhtoj ehtiyojmand xotin-qizlar							
10.	1.						
11.	2.						
12.	3.						
V. Uv-joyga muhtoj ehtiyojmand xotin-qizlar							
13.	1.						
14.	2.						
15.	3.						
VI. Qaramog'ida nogironligi bo'lgan farzandi bor ehtiyojmand xotin-qizlar							
16.	1.						
17.	2.						
18.	3.						

_____ tuman (shahar) hokimi
1-sektor rahbari

(imzo va muhr)

(F.I.O.)

_____ tuman (shahar) prokurori
2-sektor rahbari

(imzo va muhr)

(F.I.O.)

_____ tuman (shahar) IIB boshlig'i
3-sektor rahbari

(imzo va muhr)

(F.I.O.)

_____ tuman (shahar) DSI boshlig'i
4-sektor rahbari

(imzo va muhr)

(F.I.O.)

_____ tuman (shahar) oila
va xotin-qizlar bo'limi boshlig'i

(imzo va muhr)

(F.I.O.)